

## Andreas Hofer

Dor Andreas Hofer wor friaer a Vorbild fürs Südtiroler Volk, ober isch er hel für die Jugend heint a no? Aus meiner Sicht isch dr Hofer mehr als lei a Vorbild. Meiner Meinung noch steat er als Symbol für Zusammenholt, Heimatliebe, Tradition und Mut. Er isch für inser Lond ingstonen und hot für insere Huamet gekämpft. Und heletwegn kennen mir a heint stolz afn Hofer sein. Dankn Hofer hobn mir a heint no insere Traditionen, de inser lond zeichnen und af de mir stolz sein kennen. Dor Hofer iscg net lei a Mensch der in insertn Lond gieb hot, er isch a wichtiger Toal Südtiroler Geschichte und a wichtiger Volksheld für die Südtiroler. Dor Andreas Hofer hot ins und bsunders in dr Jugend glearnt dass man für seine Meinung und Iberzeugungen instian muas.

Dor Hofer wor ah a sehr besonnener Monn und fan hem kannetn sich viele Leit a heint no a Beispiel nehmen. Wos mir a von Hofer lernen kennen isch dass man net in jedn olles glei glabn soll und dass man ah amol eppes hinterfrogn kannet.

Viele Leit stelln sich velleicht di frog: "Wos tatn sich dr Hofer zu di heintign zeitn denkn?" Aus meiner Sicht war er froa dass die Südtiroler und vor ollem die Jugend ihm und seine Leistungen so schätzt und a wenn oan oft es "Patriotisch-sein" proviert wert auszuredn und die Leit sogn „des isch iatz schun Geschichte!" oder „heart amol auf mit den", so wias mir oft passiert isch, hon i dechtersch nou Mut und Hoffnung kop, weil i mir in Hofer als Beispiel gnummen hon.

Die Werte Hofers werdn in Südtirol bis heint no gepfleg und Weitergegebn, bsunders in Vereine. Um die Geschichte Hofers aktiv mitzuerleben spielt die Jugend a groase Rolle bsunders in Vereine und vor ollem ba die Schützenkompanien. Es trogn fa Trochtn, es mitgian ba Prozessionen und es bewahren va olte Bräuche und Traditionen schofft a schun a Verbundenheit mitn Andreas Hofer.

Auserdem isch dor Hofer a Symbolfigur für insere Autonomie und Identität. Er zählt a als Identifikationsfigur für Tiroler Eigenständigkeit.

Als Symbol fürn Erholt fa dr deutschn Sproch und Kultur wert dr Andreas Hofer a ungesegn. A wenn die Jugend heint in an autonomen und friedlichen Südtirol aufwochst bleib es Bewusstsein für Geschichte und Freiheitskämpfer erholten. Für viele junge Leit steat dr Hofer heletwegn a als Sinnbild für Schutz der kulturellen Identität.

Durchn Hofer verbinden viele Jugendliche a Gefühl von Heimat, Geschichte und vor ollem gemeinsomme Verantwortung für die Südtiroler Zukunft.

Für dr südtiroler Jugend isch dr Andreas Hofer also net lei a Heldenfigur aus an Geschichtsbuach. Er isch a wichtiger Toal fan kulturellen Erbe, welches Identität und Gemeinschaft fördert. Die Verbindung besteht also a aus gemeinsamen Werten, in Tradition und in an fortfahrenden Dialog zwischen Vergangenheit und Zukunft.

Für dr Zukunft hoff i, dass meine Generation die Bemühungen und Opfer von Andreas Hofer net vergisst und weiterhin für insere Rechte kämpft.